



Universitätsbibliothek Paderborn

Capitularia Regvm Francorvm

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

Capitulare de causis monasterij sanctae Crucis Pictaviensis, datum circa
annum Christi DCCCXXII.

urn:nbn:de:hbz:466:1-19366

V.I. Et hoc de nostro adjecimus, ut si quis in his supradictis sanctorum canonum nostrique decreti sanctionibus Episcopis inobedient & contumax extiterit, primum canonica sententia feratur, deinde in nostro regno beneficium non habeat, & alodis eius in bannum mittatur, & si annum & diem in nostro banno permanferit, ad filium nostrum redigatur, & captus in exilium religeretur, & ibi tamdiu custodatur & constringatur donec coactus Deo & sanctae Ecclesiae satisfaciat quod prius gratis facere noluerat.

Et si omnibus vobis ista complacerint, dicite. Et tertio ab omnibus clamatum est: Placet. Et Imperatores & penè omnes Galliae & Germaniae principes subscriberunt, singuli singulas facientes cruces. Et ecclesiasticus ordo Deo & principibus laudes referentes hymnum *Te Deum laudamus* decantabant. Et sic soluta est synodus.

CAPITVLARE

De causis monasterij sanctæ Crucis Piétavensis, datum circa annum Christi DCCCXXII.

Capitulare de monasterio sanctæ Crucis quod est situm intra Piétavensem urbem, quod piissimus Imperator Ludovicus fieri precepit, atque ut idem ab omnibus observaretur, glorioso filio suo Pippino commisit.

CAP. I.

VT à nemine predictæ sanctimonias opprimantur iustè vel condemnantur, ab ipso Domino Pippino Rege provideatur.

II.

Vt à nemine temporale servitium exterius illo modo queratur, nisi quantum ab eis quæsivi postquam eas sub regulari norma vivere constitui.

III.

Similiter ut res monasterij, quas modò habent, non prius ab ullo auferantur quam aut ante Dominum Pippinum aut ante Comitem palatij illius praefata ratio redatur.

IV.

Vt temporale servitium in opere feminino ab eis ad partem dominicam nullatenus queratur: quia si hoc fieri cooperit, omnino ordo regularis stare non poterit.

V.

De ceteris vero questionibus quas aut

alij ab ipsis aut ipsæ querunt ab aliis, secundum consuetudinem ante Comitem vel Vicarios ejus iustitiam reddant & accipiant; tantum ut iustè fiant.

VI.

Vt omnino caveatur ne ultra centenarium numerum congregatio illa per cuiusque petitionem multiplicetur.

VII.

Vt omnino provideatur ne Clericorum numerus plusquam xxx. augetur, & ipsi per omnia ad dictam congregationem sanctæ Crucis honestè & perfectè obedientes sint atque subiecti Sin autem, liber discedat. Colonus autem vel servus ad naturale servitium, velit nolit, redeat.

VIII.

Item, si quando necesse fuerit, per iusficiem Domini Pippini Regis Ramnulfum specialiter Missum habeant. Quando vero necesse non fuerit, Advocatus earum per se iustitiam faciat & accipiat.

